



KEMENTERIAN SUMBER MANUSIA



KEMENTERIAN SUMBER MANUSIA



www.perkeso.gov.my
1-300-22-8000



PERKESO Official



@perkeso official



@PERKESOofficial



PERKESO

Skim Insurans Urang Indu Pengintu Ruang Bilik (SKSSR)



Skim Pengelikan Urang Indu Pengintu Ruang Bilik

Skim Insurans Urang Indu Pengintu Ruang Bilik (SKSSR) dipejalai nengah Akta Keselamatan Sosial Suri Rumah 2022 enggau tuju meri bungkur insurans ngagai urang indu pengintu ruang bilik ari ka dituntung penusah bakal, penyakit tauka sebarang kebuah ka bukal leboh ngintu ruang bilik ti ngujungka penimpang pendiau tauka nadai daya seumur idup lalu ketegalnya raban tu bepenanggul ngintu ruang bilik sida.

Penusah rama ngintu ruang bilik ti nyadi sekaligus di dalam tauka di luar rumah tau bendar ngujungka bakal tubuh ngagai urang indu pengintu ruang bilik leboh sida bejalaika tanggungpenggawa sida.

SKSSR mega meri bungkur insurans ngagai urang indu pengintu ruang bilik ti ditinggang penanggul nadai bedaya kategal penyakit sepengudah ti diperesa lalu ditisihka Penisih Perubat tauka Raban Lutor Tisih Apil.

Peminta nyadi raban skim tu sukarela enggau ndai bepejal.

Reti Genteran Urang Indu Pengintu Ruang Bilik

lanya urang indu ti ngereja tanggungpenggawa ngintu ruang bilik sida iya empu sekaligus apus ari tauka enda. Urang indu tu nyengkaum semua indu sekaligus udah berumantangga tauka bedau, indu ti udah sarak, balu tauka indai tunggal.

Chara Ngerijista & Mayar Caruman

Chara ngerijista enggau mayar SKSSR ulih dipejalai ba opis PERKESO selampur menua tauka nengah Portal Suri Rumah PERKESO suri.perkeso.gov.my tauka laman web PERKESO www.perkeso.gov.my

Scan kod QR ngerijista SKSSR



Maya Dipejalai



Syarat Nyadi Raban

1. Urang indu pengintu ruang bilik nya meseti peranak menua Malaysia/peranak mendam ti umur badau manggai 55 tahun.
2. Umur urang indu pengintu ruang bilik bedau manggai 54 taun leboh keterubah ngerijista diri enggau mayar caruman.
3. Dulu bebayar (*in advance*) 12 bulan sepengudah ngerijista nyadi raban.

Caruman

1. Caruman enggau penyampau RM120.00 dibayar dulu mungkur pengelama 12 bulan bejarit.
2. Caruman tau dibayar ulih laki indu nya, urang indu pengintu ruang bilik nya empu, sida sebilik tauka barang sapa ke bukal ti deka mayar ngarika sida.
3. Enti caruman dibayar laki indu iya, prinsip '*once in always in*' deka ngikat laki sida ngambika raban indu enda putus bungkur insurans.
4. Enti laki indu nya enda ulih neruska bayar ketegall lenyau penatai pemisi tauka sebarang kebuah berat ti bukal, iya meseti madahka PERKESO dalam kadang 60 ari sebedau tempoh bayar caruman nya abis.

Chara Minta Bantu SKSSR

Bantu SKSSR ulih digaga ba semua opis PERKESO selampur menua lalu disempulangka enggau pom Tuntutan Faedah Skim Keselamatan Sosial Suri Rumah - **Borang SR 6** ti udah diisi.

Penusah Rama Ngintu Ruang Bilik :

1. Bantu Berubat
2. Bantu Lenyau Daya Tubuh
3. Elawin Diintu Berari
4. Bantu Kereban Ngemulaika Daya Tubuh Enggau Dialisis
5. Bantu Ngintu Pemat
6. Pinchin Penakat

Bantu Berubat

Urang indu pengintu ruang bilik ti dituntung penusah rama ngintu ruang bilik tau nerima bantu berubat (*nitihka tatak ba Akta Fi 1951*) ba sepital, klinik tauka palan berubat ti bukal. Wad kelas dua enti dipasukka berubat ba wad ba sepital perintah.

Bantu Lenyau Daya Tubuh

Bantu mata duit ti ulih manggai ngagai RM30,000.00 ngagai urang indu pengintu ruang bilik ti lenyau daya tubuh ketegall bebadi leboh bejalaika pengawa iya. Tikas lenyau daya tu diperesa enggau diputuska Penisih Perubat tauka Raban Lutor Tisih Apil.

Elawin Diintu Berari

Elawin tu dibayar ngagai urang indu pengintu ruang bilik ti enda bedaya ngintu pendiau diri empu ketegall ti balat bakal tauka nadai daya seumur idup lalu begunaka bantu urang bukal ngintu iya. **Penyampau elawn tu RM250.00 sebulan ti dibayar nyentukka beumur 55 taun tauka mati (nitihka ni ka dulu agi).**

Bantu Kereban Ngemulaika Daya Tubuh Enggau Dialisis

Bantu nyediaka kereban dikena ngemulaika daya tubuh ngagai urang indu pengintu ruang bilik ti timpang batang tubuh ketegall ti bakal tauka nadai daya seumur idup sepengudah diperesa enggau ditisih penisih perubat tauka Raban Lutor Tisih Apil. Bantu kereban tu baka kaki palsu, kerusi roda, tungkat enggau utai bukal. **Penyampau bantu tu nyentukka RM50,000.00 ba siti-siti timpuh caruman.** Kelimpah ari nya, bantu dialisis enggau penyampau RM200.00 sebulan mega bisi disediakan ngagai pesakit tungkul sengayuh.

Keilatan :

1. Elawin Nadai Bedaya
2. Elawin Diintu Berari
3. Bantu Kereban Ngemulaika Daya Tubuh Enggau Dialisis
4. Bantu Ngintu Pemat
5. Pinchin Penakat

Elawin Nadai Bedaya

Elawin enggau penyampau RM300.00 sebulan deka dibayar nagagai urang indu pengintu ruang bilik ti diputuska ulih Penisih Perubat tauka Raban Lutor Tisih Apil ketegall nadai bedaya lalu enda ulih bejalaika tanggungpenggawa ngintu ruang bilik. Elawin nadai bedaya tu dibayar nyentukka beumur 55 taun tauka mati (*nitihka ni ka dulu agi*).

Bantu Ngintu Pemat

Bantu mata duit RM2,000.00 dibayar dikena ngintu pemat urang indu pengintu ruang bilik ti lenyau nyawa ketegall bebadi leboh bejalaika pengawa ngintu ruang bilik, benung nerima elawin nadai bedaya tauka mati ngenyit. Bantu tu dibayar sekali aja lalu dibayar ngagai waris tauka barang sapa ti nanggung ungkus belanja ngintu pemat.

Pinchin Penakat

Pinchin tu ti dibayar ngagai waris urang indu pengintu ruang bilik ti mati ketegall bebadi leboh bejalaika pengawa ngintu ruang bilik tauka benung nerima elawin nadai bedaya tauka ketegall mati ngenyit.

Bayar pinchin enggau penyampau RM300.00 sebulan deka dibayar ngagai waris nitihka syer ti udah diletakka baka tu: Duda-3/5, Anak-2/5. Enti urang indu pengintu ruang bilik nya bedau nirika rumah tangga, bayar pinchin deka dibayar ngagai apai indai enggau syer-4/10.

Syer duda dibayar nyentukka iya berumur 55 taun tauka bebini baru tauka mati (*nitihka ni ka dulu agi*). Syer apai indai dibayar nyentukka beumur 55 taun, lalu anak nyentukka beumur 21 taun tauka nyentukka nirika rumah tangga tauka nyentukka abis belajar enti anak nya agi belajar ba ikas ijazah keterubah. Anak ti tachat mental, timpang batang tubuh lalu enda ulih ngintu diri empu, bayar pinchin tu dibayar nyentukka iya beumur 55 taun.